

Meeqqat kommunip ulluunerani paaqqinnittarfiutaaniinnerinut kommunillu aaqqissugaanik ulluunerani angerlarsimaffimmi paaqqinniffinniinnerinut akiliuteqartarnek pillugu Namminersornerullutik Oqartussat nalunaarutaat nr. 18, 14. september 2006-imeersoq Atuussimasoq (Historisk)

Ulluunerani paaqqinnittarfiit, ulluunerani angerlarsimaffimmi paaqqinniffiit il.il. pillugit Inatsisartut peqqussutaanni nr. 7, 21. maj 2002-meersumi, Inatsisartut peqqussutaatigut nr. 4, 12. maj 2005-meersukut allanngortinneqartumi § 3, imm. 4, aamma § 4, imm. 5 naapertorlugit aalajangersarneqarput:

Akit

§ 1. Meeqqat kommunip ulluunerani paaqqinnittarfiutaaniinnerinut kommunillu aaqqissugaanik ulluunerani angerlarsimaffimmi paaqqinniffinniinnerinut akit ukiumi tulliuuttumi atuuttussat kommunalbestyrelsip kingusinnerpaamik novembarip qaammataani aalajangersartassavai.

Imm. 2. Akit kommunip ulluunerani paaqqinnittarfiutaasa kommunillu aaqqissugaanik ulluunerani angerlarsimaffimmi paaqqinniffiit ingerlanneqarnerannut aningaasartuutissatut kommunip ukiumoortumik missingersuusiai tunngavigalugit aalajangersarneqartassapput.

§ 2. Kommunalbetyrelsip akit assigiinngitsut meeqqanut arfineq-marluk inorlugit ukiulinnut aammalu meeqqanut arfineq-marluk sinnerlugit ukiulinnut aalajangersartassavai. Kommunalbestyrelsip aamma akit assigiinngitsut naalungiarsunnut inoorlaaniit marluk tikillugit ukiulinnut aammalu meeqqanut pingasuniit arfinillit tikillugit ukiulinnut aalajangersarsinnaavai.

Imm. 2. Kommunalbestyrelsip illoqarfinni nunaqarfinnilu akit assigiinngitsut aalajangersarsinnaavai. Illoqarfimmi nunaqarfimmiluunniit najugarisami paaqqinnittarfikkuutaartumik akinik aalajangersaasoqarsinnaangilaq.

Imm. 3. Kommunalbestyrelsip kommunip aaqqissugaanik ulluunerani angerlarsimaffimmi paaqqinniffinnut aki immikkut ittoq aalajangersarsinnaavaa.

Imm. 4. Kommunalbestyrelsi meeqqanut nal. akunneri 25-t tikillugit kommunip ulluunerani paaqqinnittarfiutaanniittartunut imaluunniit kommunip aaqqissugaanik angerlarsimaffimmi paaqqinniffinniittartunut akigitinneqartup affaanik akiliuteqartoqartarnissaanik aalajangersaasinnaavoq.

§ 3. Akit kisitsisit alliaartuaartut uku malillugit aalajangersarneqartassapput:

Isertitarisartakkat:

Inissamut ataatsimut ingerlatsinermut
aningaasartuutit pct.-iat:

Pct. minnerp.

Pct. annerp.

99.999 kr. -it tikillugit

0

5

100.000 - 104.999 kr.-inut	6	6
105.000 - 109.999 kr.-inut	7	7
110.000 - 114.999 kr.-inut	8	8
115.000 - 119.999 kr.-inut	9	9
120.000 - 124.999 kr.-inut	10	10
125.000 - 129.999 kr.-inut	10	11
130.000 - 134.999 kr.-inut	10	12
135.000 - 139.999 kr.-inut	10	13
140.000 - 144.999 kr.-inut	10	14
145.000 - 149.999 kr.-inut	10	15
150.000 - 154.999 kr.-inut	10	17
155.000 - 159.999 kr.-inut	10	19
160.000 - 164.999 kr.-inut	10	21
165.000 - 169.999 kr.-inut	10	23
170.000 - 174.999 kr.-inut	10	25
175.000 - 179.999 kr.-inut	10	27
180.000 - 184.999 kr.-inut	10	29
185.000 - 189.999 kr.-inut	10	31
190.000 - 194.999 kr.-inut	10	33
195.000 - 199.999 kr.-inut	10	35
200.000 - 204.999 kr.-inut	10	37
205.000 - 209.999 kr.-inut	10	39
210.000 - 214.999 kr.-inut	10	41
215.000 - 219.999 kr.-inut	10	43
220.000 - 224.999 kr.-inut	10	45
225.000 - 229.999 kr.-inut	10	47
230.000 - 234.999 kr.-inut	10	49
235.000 - 239.999 kr.-inut	10	51
240.000 - 244.999 kr.-inut	10	53
245.000 - taakkulu qaangerlugit	10	55

§ 4. Akiliisussaataasoq imaluunniit akiliisussaataasut, tak. § 5, kommunalbestyrelsip § 1, imm. 1 naapertorlugu aalajangiinerata kinguninngua akit annertussusissaat pillugit ilisimatineqassapput.

Akiliisussaataaneq

§ 5. Akiliisussaataapput meeqqap inuusuttulluunniit inuit allattorsimaffiat malillugu najugaqarfigisaa imaluunniit najugaqarfigisai (nalinginnaasumik najugaq), taamaattorli tak. imm. 2 aamma 3 kiisalu § 6.

Imm. 2. Meeraq atuarfimiinnerminut assigisaaniinnerminulluunniit atatillugu nalinginnaasumik najugarisami avataani najugaqarallarp, akiliisussaataapput meeqqap nalinginnaasumik najugaqarfigisaa imaluunniit najugaqarfigisai. Meeqqap najugaqarallarfeqalernerata ki-ngorna meeqqap nalinginnaasumik najugarisaata sumiinnera nalornissutigineqalerp akiliisussaataasut tassaassapput meeqqap nalinginnaasumik najugarisassaatut ataatsimut naliliineq tunngavigalugu naatsorsuutigisaaq imaluunniit naatsorsuutigisat.

Imm. 3. Meeraq ilaqtariinni paarineqarpat paaqqinninnissamullu akuersissuteqartoqarsimappat akiliisussaataapput paaqqinninnissamik akuersissummik peqartoq imaluunniit peqartut.

Akiliiffiusussaangitsumik ilaannakortumilluunniit akilimmik inissaq

§ 6. Meeqqanut 15-it inorlugit ukiullit ulloq unnuarlu paaqqinnittarfinni imaluunniit pisortat aaqqissugaannik ilaqtariinni paarineqartussatut inissineqarsimasut kommunip ulluunerani paaqqinnittarfiutaanni kommunillu aaqqissugaanik ulluunerani angerlarsimaffimmi paaqqinniffinni inissanik akiliiffiusussaangitsunik ilaannakortumilluunniit akilinnik tunniussisoqartarpoq.

§ 7. Kommunilbestyrelsi suliniutinik aallartitsinissamik, meeqqanik inuusuttunillu ikiorsiisarneq pillugu Inatsisartut peqqussutaat naapertorlugu aalajangiinnerminut atatillugu aalajangiisinnaavoq kommunip ulluunerani paaqqinnittarfiutaanni kommunilluunniit aaqqissugaanik ulluunerani angerlarsimaffimmi paaqqinniffimmi akiliiffiusussaangitsumik ilaannakuusumilluunniit akilimmik inissamut aningaasaliissuteqartoqarnissaanik.

Qatanngutiginnut akikillisaat

§ 8. Akiliisussaataasoq imaluunniit akiliisussaataasut meeqqap 15-it inorlugit ukiullip kommunip ulluunerani paaqqinnittarfiutaaniittartup kommunilluunniit aaqqissugaanik ulluunerani angerlarsimaffimmi paaqqinniffimmiittartup ataatsip saniatigut meeqqanik allanik akiliissutassaqpata, meeqqamut angajullermut tamakkiisumik akiliisoqartassaaq sinnerinullu meeqqamut ataatsimut affarmik akiliisoqartassalluni.

Naatsorsuinermi tunngavissaq

§ 9. Kommunip ulluunerani paaqqinnittarfiutaaniinnermut kommunilluunniit aaqqissugaanik ulluunerani angerlarsimaffimmi paaqqinniffimmiinnermut akiliutissaaq akiliisussaataasup imaluunniit akiliisussaataasut ukiumi aningaasarsiorfiusumi inarneqarsimasumi kingullermi aningaasarsiaat

akileraaruteqaataasussat tunngavigalugit aalajangersarneqassapput.

Imm. 2. Akiliisussaataasup imaluunniit akiliisussaataasut aningaasarsiamik akileraaruteqaataasussat imm. 1-imi taaneqartut allannguutaannik kommunalbestyrelsimut ilisimatitsissuteqassapput.

§ 10. Kommunalborgstyrelsip pineqartunit isertitarisartakkat annertuutigut allannguuteqarpata allannguuteqassanganneqarpataluunniit aalajangersinnaavaa isertitarisartakkat akiliutissap aalajangersarneqarnissaanut tunngaviusussat tassaassasut maannakkorpiaq isertitarisartakkat ukioq kaajallallugu tamakkiisumik isertitarisassatut naatsorsuussanut naleqqussariikkat.

Imm. 2. Akileraarusiisarnermi oqartussaasut aningaasarsianik akileraaruteqaataasussanik siusinnerusukkut annertussusiliisimangippata akiliisarnissaq pisassaaq siumoortumik nalunaarsuineq tunngavigalugu imaluunniit maannakkorpiaq isertitarisartakkat ukioq kaajallallugu isertitarisassatut naatsorsuussanut naleqqussareerlugit.

Isertitarisartakkat pillugit nalunaarut

§ 11. Meeqqap kommunip ulluunerani paaqqinnittarfiutaaniittalerneranut imaluunniit kommunip aaqqissugaanik ulluunerani angerlarsimaffimmi paaqqinniffimmiittalerneranut atatillugu, imaluunniit kikkut akiliisussaataanerisa allannguuteqarnerinut atatillugu, tak. § 5, akiliisussaataasooq imaluunniit akiliisussaataasut isertitarisartakkatik pillugit allaganngorlugu nalunaarummik kommunalborgstyrelsimut tunniussaqaartassapput.

Imm. 2. Isertitarisartakkat pillugit nalunaarut kommunalborgstyrelsimut piginnaatitsissummik ilaqartinneqassaaq, meeraq kommunip ulluunerani paaqqinnittarfiutaaniittartillugu imaluunniit kommunip aaqqissugaanik ulluunerani angerlarsimaffimmi paaqqinniffimmiittartillugu akiliisussaataasup imaluunniit akiliisussaataasut aningaasarsiaat pillugit paasissutissanik akileraartarnermut oqartussaasunut paasiniaasarsinnaanermik imaqartumik.

Imm. 3. Akiliisussaataasup imaluunniit akiliisussaataasut nalunaarut imm. 1-imi taaneqartoq tunniutinngippassuk akiliutissaq akimik qaffasinnerpaamik annertussusilerlugu aalajangersarneqassaaq.

§ 12. Paaqqinnittarfinnut ataasiakkaanut akiliisoqartarpat § 11, imm. 1-imiit 3-mut aalajangersakkat taamatulli atuutissapput.

Akiligassat akilinngisat aamma paaqqinnittarfinniikkunnaartitsisarneq

§ 13. Akiliisussaataasooq imaluunniit akiliisussaataasut akiligassaminnik akilinngisaqalerpata, pineqartullu akiligassamik akilersornissaat pillugu isumaqatigiissusioqqullugit allakkatigut eqqaasitsissummik tigusaqareersimappata meeraq pineqartoq ulluunerani paaqqinnittarfinniikkunnaartinneqassaaq imaluunniit ulluunerani angerlarsimaffimmi paaqqinniffimmiikkunnaartinneqassalluni, tak. § 14.

Imm. 2. Akiligassat akilinngisat tamarmik ullut 14-it qaangiutsinnagit akilerneqarpata paaqqinnittarfinniikkunnaartitsinermik aalajangerneq atorunnaassaaq.

Imm. 3. Akiligassaarneq pissutigalugu meeqqap paaqqinnittarfinniikkunnaartittariaqarneranik

akiliisussaatitaasumut imaluunnit akiliisussaatitaasunut nalunaaruteqarneq peqatigalugu, kingusinnerunngitsumik, isumaginninnermik suliaqartut kalerrinneqassapput.

§ 14. Meeqqamik kommunet ulluunerani paaqqinnittarfiutaaniit imaluunniit kommunet aqqutigalugit ulluunerani paaqqinnittarfinniititsinerit tamarmik pinngitsooratik minnerpaamik ullunik 14-nik sioqqutsisumik nalunaarutigineqartassapput qaammatip 1.-ani atuutilersussatut.

Atortuulersitsineq

§ 15. Nalunaarut una ulloq 1. november 2006 atortuulerpoq. Ilutigalugu meeqqat kommunip ulluunerani paaqqinnittarfiutaaniinnerannut kommunillu aqqissugaanik ulluunerani angerlarsimaffimmi paaqqinniffimmiinnerannut akiliuteqartarneq pillugu nalunaarut nr. 28, 13. september 1989-imeersoq atorunnaarsinneqarpoq.

Namminersornerullutik Oqartussat, ulloq 14. september 2006

Doris Jakobsen

/

Lise Lennert Olsen